

9. gr.

Hreindýraeftirlitsmenn skulu sjá um að veidd séu þau dýr, sem minnstur skaði er að fyrir eðlilegan viðgang hjarðarinnar. Þeir skulu senda ráðuneytinu skýrslu um veiðarnar strax að veiðitíma loknum.

10. gr.

Athygli er vakin á að skv. lögum nr. 30/1966 um meðferð, skoðun og mat á sláturafurðum er óheimilt að hafa hreindýrakjöt til sölu, nema það hafi verið skoðað og metið af dýralækni.

11. gr.

Brot á reglum þessum, sem settar eru skv. lögum nr. 28/1940 um friðun hreindýra og eftirlit með þeim, sbr. og breytingu á þeim lögum nr. 72/1954, varða sektum eða varðhaldi, sbr. lög nr. 75/1982.

Reglur þessar öðlast þegar gildi og falla jafnframt úr gildi reglur nr. 366/1988 um hreindýraveiðar árið 1988.

Menntamálaráðuneytið, 27. júlí 1989.

Svavar Gestsson.

Pórunn J. Hafstein.

AUGLÝSING

um breytingu á gjaldskrá Rafmagnsveitna ríkisins og Orkubús Vestfjarða.

Samkvæmt 62. gr. orkulaga nr. 58, 29. apríl 1967 og 10. gr. laga nr. 66, 31. maí 1976, hefur ráðuneytið staðfest eftirfarandi breytingar á gjaldskrá Rafmagnsveitna ríkisins og Orkubús Vestfjarða, frá og með 1. ágúst 1989:

Gjaldskrá Rafmagnsveitna ríkisins, nr. 176, 20. mars 1989:

Liðir A1 og A2, orkugjald, lækkar um	5.0%
Liður A5, orkugjald af notkun umfram aflstillingu, lækkar um	5.0%
Liður B1, aflgjald, lækkar um	5.0%
Liður B1, orkugjald, lækkar um	5.0%
Liður B3, aflgjald, lækkar um	5.0%
Liður B3, orkugjald, lækkar um	5.0%

Aðrir liðir gjaldskrárinnar eru óbreyttir.

Gjaldskrá Orkubús Vestfjarða fyrir raforku, nr. 166, 20. mars 1989:

Liðir A1 og A2, orkugjald, lækkar um	5.0%
Liður A5, orkugjald af notkun umfram aflstillingu, lækkar um	5.0%
Liður B1, aflgjald, lækkar um	5.0%
Liður B1, orkugjald, lækkar um	5.0%

Liður B11, aflgjald, lækkar um	5.0%
Liður B11, orkugjald, lækkar um	5.0%

Aðrir liðir gjaldskrárinnar eru óbreyttir.

Iðnaðarráðuneytið, 25. júlí 1989.

F. h. r.

Páll Flygenring.

Guðrún Skúladóttir.

AUGLÝSING

**um breytingu á gjaldskrá Bæjarveitna Vestmannaeyja fyrir raforku,
nr. 214, 10. apríl 1989.**

Samkvæmt 25. gr. orkulaga nr. 58, 29. apríl 1967, sbr. lög nr. 6, 27. febrúar 1989 um breytingu á lögum nr. 56, 16. maí hefur Verðlagsráð heimilað og ráðuneytið staðfest eftirfarandi breytingu á gjaldskrá Bæjarveitna Vestmannaeyja fyrir raforku, er öðlast þegar gildi:

Liðir D1 og D4, orkugjald, hækki um	7.5%
---	------

Aðrir liðir gjaldskrárinnar eru óbreyttir.

Iðnaðarráðuneytið, 24. júlí 1989.

F. h. r.

Páll Flygenring.

Guðrún Skúladóttir.

AUGLÝSING

**um staðfestingu á breytingu á áður staðfestu aðalskipulagi
Stöðvarfjarðar.**

Samkvæmt ósk hreppsnefndar Stöðvarfjarðar hefur skipulagsstjórn ríkisins hinn 14. júní 1989, fallist á og staðfest, sbr. 3. mgr. 19. gr. skipulagslaga nr. 19/1964, breytingar á áður staðfestu aðalskipulagi Stöðvarfjarðar 1983–2003.

Breytingarnar eru þessar:

1. Í suðvesturhorni opna svæðisins við Skólaveg verður stofnanalóð (leikskóli).
2. Í stað efsta hluta fyrirhugaðs íbúðasvæðis við Heiðmörk kemur opið óbyggt svæði.
3. Í stað hluta íbúðasvæðis við Borgargarð kemur stofnanalóð (kirkja).
4. Í stað fyrirhugaðs íbúðasvæðis við enda Réttarholts kemur tjaldsvæði.

Félagsmálaráðuneytið, 18. júlí 1989.

F. h. r.

Berglind Ásgeirsdóttir.

Hólmsfríður Snæbjörnsdóttir.